

Castelo de Monte Vilar



Imaxe: Elixio Vieites

Asentamento romano-medieval. Probablemente se trate dun castro refortificado na Idade Media. En prospeccións realizadas, localizáronse fragmentos de cerámica de feitura manual. Ten unhas dimensións de 150 metros de norte a sur, e 100 metros de leste a oeste.

Dados os restos que aparecen ciscados, maiormente cachote, podemos adiviñar que habería uns muros, mais o seu estado xeral é bastante malo para poder confirmalo. Sobresaen uns penedos no cume que parecen que foron traballadas para asentar lenzos de muros ou estruturas de madeira. Tamén se aprecia unha pequena terraza bastante chan que está cinguido por un parapeto moi esborrallado, mais apreciable nas imaxes LIDAR. Este recinto cinguiría dous curutos rochosos naturais, froito do afloramento das penedías sobre o cume do monte.

Situado a case 200 metros de altitude, ten unha inmejorable visión sobre a bacía do río Ulla e as terras da súa contorna. Tamén se observa o Monte da Muralla, lugar onde se atopaba outra pequena fortaleza ou atalaia.

INFORMACIÓN	
TIPOLOXÍA	Arqueoloxía
CRONOLOXÍA	Época romana - Altomedieval
CONCELLO	Dodro
PARROQUIA	Santa María de Dodro
REFERENCIAS	Plan Xeral de Ordenación Municipal do Concello de Dodro, aprobado o 27 de decembro de 2010 Patrimonio Galego

XEOLOCALIZACIÓN	
COORDENADAS	42.733702136644 , -8.6822681338672



* Información obtida da páxina web obaixoulla.gal. Xeolocalización a partir da información de mapas.xunta.gal.